



# Bisdóm Willemstad

Julianaplein 5 Curaçao, Dutch Caribbean -Tel (599-9) 462-5876  
Fax (599-9) 462-7437 • [E-mail: bisdomwstad@gmail.com](mailto:bisdómwstad@gmail.com)

## Komunikado di Prensa

**Tema: Kambionan di Saserdotenan Katoliko.**

Willemstad, 25 Òktober 2022

Obispado di Willemstad kier hasi uso di e oportunitat aki pa por informá henter nos komunidad tokante e kambionan di Saserdotenan Katoliko pa diferente parokia. Obispado ta kere ku ta solamente pa medio di bon informashon i di un manera transparente ku henter nos komunidad lo por komprondé e proseso aki.

Obispado di Willemstad ta informá nos fielnan ku pa e Isla di Kòrsou, nos konosé un total di 22 parokia ku nan respektivo saserdotenan. Pa loke ta trata e kambionan introdusí pa Obispu di Willemstad esakinan ta konta únkamente pa 7 Parokia riba isla di Kòrsou.

Kambionan di saserdote ta un proseso usual den Iglesia Katoliko i ta keda na diskreshon di kada Obispu di Diósesis kua ta e kriterionan di kambio ku e ta implementá den su Diósesis. Pues, Iglesia Katoliko den su normanan ta permití kambio di saserdotenan den parokia, pero ta keda na kada Obispu si nan ta hasi kambionan manera nos a bin ta konosé den nos Obispado. Tambe ta importante pa indiká ku no tin ningun norma den Iglesia ku ta indiká kuantu tempu un saserdote lo por keda den un parokia promé ku hasi un kambio.

Obispu Mgr. Luis. A Secco a trata conforme su maneho pa hasi kambionan di pastornan di akuerdo ku e nesesidat den obispado, di un parokia i e pastor ku segun su huisio lo por ehersé su ministerio saserdotal den e parokia.

Pa e motibu aki Obispu ta konsiderá importante i nesesario e siguiente kambionan den Obispado di Willemstad pa loke ta trata e isla di Kòrsou.

**Rev. Pastor Eugenio Raul Mercedes** aktual Pastor di *Parokia La Birgen di Altagrasia na Steenrijk* a keda nombra Pastor di **Parokia Spiritu Santu na Tera Kòrá** i **atministrador di Parokia di San Willibrordus**.

**Rev. Pastor Julio Briceno** aktual Pastor di *Parokia San Martin de Porres na Seru di Papaya* i atministradó di *Parokia di Spiritu Santu na Tera Kòrá* a keda nombra Pastor di **Parokia Hesus Miserikordioso i Santa Teresita na Wishi**.

**Rev. Pastor Juan Sanchez Usme** ku aktualmente no tin un parokia a keda nombra atministrador di **Parokia La Birgen di Lourdes na Brievengat**.

**Rev. Pastor Israel Gonzales** ku aktualmente ta Vikario Parokial na *Parokia di Jandoret i San Willibrordus* a keda nombra Pastor di **Parokia San Hudas Thadeo**.

**Rev. Pastor Ronald Kiban** aktual Pastor di *Parokia di La Birgen di Lourdes na Brievengat*, a keda nombra Pastor di **Parokia San Martin de Porres na Seru di Papaya**.

**Rev. Guillermo Ortega** aktual Pastor di Parokia *San Hudas Thadeo na Bonam* i atministrador di *Katedral na Pietermaai*, a keda nombra Pastor di **Parokia La Birgen di Altagracia na Steenrijk** i ta keda atministrador di **Katedral na Pietermaai**.

I por último Obispu Luis A. Secco a oficialisá e nombramentu di **Rev. Pastor Jose L. D Sandoval** komo atministrador na **Parokia di Santa Famia na Otrobanda** kaminda e ta ehersiendo kaba su ministerio.

E nombramentunan aki a keda firma i seya for di **22 di Ougùstùs di añá 2022**, i ta drenta na vigor dia **1 di Novèmber 2022**, e dia ku Iglesia ta selebrá e solemnidat di tur Santu.

Nombramentu di saserdotenan ta un desishon di Obispu despues di a skucha su konseheronan. Pues esaki no ta sosodé pa via di votamentu.

Obispado di Willemstad ta konfia di a informá komunidad debidamente i ta pidi tur fielnan Katólíko i henter nos komunidad pa sigui sostené nos saserdotenan ku boso orashon i tambe boso koperashon den e diferente parokianan.

Ku bon Dios bendishoná nos seis islanan ku ta forma Obispado di Willemstad.

Rev. Curtis Meris, JCL

Kansier di Obispado di Willemstad.